

## Lampiran 1

### Data Pantun Melayu pada Subbab “Cinta yang Berjaya

Kelima puluh tujuh pantun yang pada bagian maksud pantunnya mengkonseptualisasikan pengungkapan cinta adalah berikut ini:

1. Kain batik baju batik,  
Batik datang dari Jawa;  
Adik cantik abang cantik,  
Bagai pinang dibelah dua. (1593)
2. Kain batik selendang batik,  
Mari sebar ke atas pentas;  
Adik cantik abang pun cantik,  
Bagai dakwat dengan kertas. (1594)
3. Putik pauh tangkainya lerai,  
Penyengat bersarang di bonggolnya;  
Adik jauh rasa bercerai,  
Semangat tinggal dalam sanggulnya. (1594)
4. Perahu kecil jangan dibelok,  
Kalau dibelok patah tiangnya;  
Adik kecil jangan dipeluk,  
Kalau dipeluk patah pinggangnya. (1596)
5. Laksamana pergi ke Semantan,  
Singgah menuju ke kualanya;  
Adik laksana cincin intan,  
Kakanda mabuk akan cahayanya. (1597)
6. Apa takut kepada kumbang,  
Kerana menyengat tidak biasa;  
Apa peduli batu dan karang,  
Hati berhajat kurempuh juga. (1601)
7. Laksamana berempat di atas pentas,  
Cukup berlima dengan gurunya;  
Bagai dakwat dengan kertas,  
Sudah berjumpa dengan jodohnya. (1605)
8. Mengembang bulan di mercu gunung,

Bayan disambar si raja paksi;  
Banyaklah nujum membuka tenung,  
Adinda seorang yang baik raksi. (1609)

9. Pucuk mengkudu di tengah padang,  
Pucuk direntas burung cawi;  
Berjudu adik dengan abang,  
Bagai bulan dengan matahari. (1612)

10. Anak beruk di tepi pantai,  
Masuk ke bendang memakan padi;  
Biarlah buruk kain dipakai,  
Asalkan pandai mengambil hati. (1617)

11. Limau purut batang berduri,  
Dibawa orang dari Sialang;  
Bila terpandang wajah saudari,  
Fikiran runsing segera menghilang. (1620)

12. Kayu jati pelampung pukat,  
Buluh perindu tidak berdahan;  
Buah hati marilah dekat,  
Hati rindu tidak tertahan. (1622)

13. Orang Aceh pulang ke Aceh,  
Mengail kurau dapat senangin;  
Bukan mudah kita berkasih,  
Laksana wau melawan angin. (1624)

14. Mari menjala ikan sepat,  
Dapat seekor dalam lopak;  
Bunga sekuntum bertingkat-tingkat,  
Sayang sekuntum bawah kelopak. (1626)

15. Jikalau tuan pergi ke Cangi,  
Sampai ke rumah ayam berkokok;  
Dapat sekuntum bunga yang wangi,  
Rasa nak turut sampai ke pokok. (1629)

16. Pelita gantung banyak cahaya,  
Warna hijau bercampur biru;  
Dicium hidung berseri muka,

Itulah penawar penyakit rindu. (1633)

17. Hanyut batang dari kuala,  
Raja mambang berkayuh balik;  
Dinda kutatang bagai gemala,  
Tempat abang duduk bertele. (1638)

18. Hendak mangkuk kuberi mangkuk,  
Mangkuk bekas bunga inai;  
Hendak masuk kuberi masuk,  
Masuk bersekali belanja tunai. (1649)

19. Buah jering di atas para,  
Diambil budak sambil berlari;  
Hingga kering lautan Melaka,  
Baharulah saya mungkir janji. (1656)


20. Panjang rambut Siti Julita,  
Panjang melilit ibu kakir;  
Intan zamrud cermin mata,  
Tuan seorang mahkota hati. (1662)

21. Kalau cik tuan pergi ke laut,  
Saya hendak mandi dalam perahu;  
Jikalau cik tuan menjadi rambut,  
Saya menjadi minyak berbau. (1672)

22. Kalau tuan menjadi ketua,  
Kayu bongkok mari dijulang;  
Kalau hendak kita berdua,  
Karam perahu sama direnang. (1686)

23. Kalau abang pergi ke laut,  
Carikan saya ketam betina;  
Kalau tuan menjadi rambut,  
Saya menjadi si bunga Cina. (1695)

24. Kalau ya selasih dani,  
Cendawan di atas pintu;  
Kalau ya kasihkan kami,  
Guntinglah awan sehelai baju. (1696)

- 
25. Padang Panjang dilingkar bukit,  
Bukit dilingkar kayu jati;  
Kasih sayang bukan sedikit,  
Dari mulut sampai ke hati. (1698)
26. Anak ruan lima-lima,  
Mati seekor di atas darat;  
Kasih tuan saya terima,  
Menjadi hutang dunia akhirat. (1700)
27. Anak ruan lima-lima,  
Mati ditimpa punggur berdaun;  
Kasih tuan saya terima,  
Menjadi hutang beribu tahun. (1701)
28. Ikan mas di dalam serahi,  
Permainan anak Betara Sakti;  
Kakanda nan karam di lautan berahi,  
Ombaknya lalu ke mercu hati. (1703)
29. Anak Cina cari sembilang,  
Dapat seekor di atas pasir;  
Laksana mahkota gilang-gemilang,  
Sebagai emas baharu diukir. (1709)
30. Tutuh nangka tinggi-tinggi,  
Rotan mana di tengah huma;  
Lamalah sudah abang mencari,  
Dapatlah intan di tengah bunga. (1710)
31. Memutih ombak di rantau,  
Petang dan pagi tiada bersela;  
Memutih bunga di pulau,  
Setangkai sahaja yang menggila. (1718)
32. Kalau belayar jangan berbelok,  
Kalau berbelok patah tiangnya;  
Orang muda janganlah dipeluk,  
Kalau dipeluk patah pinggangnya. (1729)
33. Olok-olok burung di laut,  
Ogak-ogak burung di bukit;

Rupa elok bagai diraut,  
Akan penawar hati yang sakit. (1739)

34. Burung jelatik burung jelandan,  
Mencari sarang burung tempua;  
Sama cantik sama pandan,  
Seperti pinang dibelah dua. (1741)

35. Orang aceh pulang ke kubu,  
Lonceng berbunyi pukul lapan;  
Samalah kasih sama setuju,  
Bagalah paku lekat di papan. (1743)

36. Datanglah benih dari Palembang,  
Pecah gelegar rosak perahu;  
Saya mendapat bunga yang kembang,  
Kalau mala baru berbau. (1746)


37. Dondang sayang pohon kelapa,  
Air mawar di dalam dulang;  
Saya tidak berubah kata,  
Racun penawar adik seorang. (1748)

38. Selasih di Teluk Dalam,  
Datang kapas Lubuk Tempurung;  
Saya umpama si burung balam,  
Mata terlepas badan terkurung. (1749)

39. Medang ini medang kemangi,  
Burung cempaka membuat sarang;  
Sekuntum bunga kembang wangi,  
Habis layu diserang kumbang. (1753)

40. Belayar masuk Kuala Kedah,  
Patah tiang timpa kemudi;  
Sekuntum bunga terlalu indah,  
Sekalian kumbang asyik berahi. (1754)

41. Layang-layang terbang ke Aceh,  
Jatuh ke ladu makan padi;  
Seorang sayang seorang kasih,  
Bagai hempedu lekat di hati. (1756)

- 
42. Jeruju dengan durinya,  
Di tepi jalan orang berlari;  
Setuju pula dengan isterinya,  
Seperti bulan dengan matahari. (1759)
43. Layang-layang terbang melayang,  
Jatuh ke laut disambar jerung;  
Siapa kata saya tak sayang?  
Kalau bunga rasa nak kendong. (1761)
44. Merpati kepak bersilang,  
Turun ke bendang makan padi;  
Simpan di peti takutkan hilang,  
Baik kusimpan di dalam hati. (1762)
45. Jeluntung kayu di rimba,  
Mati ditimpa kayu kelat;  
Sudah untung kita berdua,  
Bagai ikan di dalam belat. (1770)
46. Angkut-angkut terbang ke langit,  
Mati disambar anak merbah;  
Tertengkep bumi dengan langit,  
Setia tidak akan berubah. (1780)
47. Dang Kasihan pergi ke Tanjung,  
Akan permata pembeli lada;  
Pelita laksana pelita tanglung,  
Diribakan oleh paduka kakanda (1788)
48. Pukul nobat tiup nafiri,  
Hendak tebal raja di Kelang;  
Tuan laksana serbat janggi,  
Tujuh tahun manis tak hilang. (1789)
49. Orang berinai berhitam kuku,  
Mandi dijurus air penawar;  
Tuan seorang biji mataku,  
Racun diminum jadi penawar. (1791)
50. Orang menjala di tepi kuala,

Dapat seekor ikan pelata;  
Tuan seorang buntat gemala,  
Kakanda nak buat cermin mata. (1792)

51. Cik Ali selendang batik,  
Batik datang dari Surabaya;  
Tuan umpama emas dititik,  
Belum disepuh bertambah cahaya. (1794)

52. Hujan panas kemarau kebun,  
Keluar ke padang menjemur padi;  
Tuan umpama kunang-kunang sekebum,  
Sebagai syamsu bersinar pagi. (1795)

53. Sayang Laksamana mati dibunuh,  
Mati ditikan Datuk Menteri;  
Tuan umpama minyak yang penuh,  
Tidak diberi limpahnya lagi. (1796)

54. Kalau pergi ke Teluk Mas,  
Berhenti di bawah pohon terap;  
Tuan seumpama songket emas,  
Terang cahaya merelap-relap. (1797)

55. Hari-hari masuk ke taman,  
Kerat-kerat kayu api;  
Tuan umpama sarbat minuman,  
Sedikit tak ralat di dalam hati. (1798)

56. Guruh petus penuba limbat,  
Ikan lumna berenang-renang;  
Tujuh ratus carikan ubat,  
Badan berjumpa maka senang. (1802)

57. Orang berlayar dalam perahu,  
Haluan menuju ke Batu Bara,  
Sarat memuat kain kapas,  
Kapas dibawa dari Barat;  
Kasih tuan hambalah tahu,  
Bagai orang menggenggam bara,  
Rasa hangat tidak dilepas,  
Begitu benar kias ibarat. (1807)